

बाबोसा मायड माने लाड लडाई रे,
राम जाणे राणा तने क्यूं परणाई रे,
थासू प्रीत राणा दाय कोनी आवे रे,
आजा रे मनमोहन मीरा मेड़तणी बुलावे रे ॥

हा जन्म जन्म री मीरा जोगण भई रे,
दीवानी तू काई जाणे प्रीत पुराणी रे,
मनडो मोहन सु लागो और कोनी भावे रे,
आजा रे सांवरिया मीरा मेड़तणी बुलावे रे ॥

हा पत्थर थे काई पूजो यू बोले राणो जी,
ठाकुर ने जीमाओ जद साची प्रीत जाणु जी,
कुड़ कपट कुल रे दाग लगावे रे,
आजा रे नंदलाला मीरा मेड़तणी बुलावे रे ॥

हे दूध रो कटोरो भर मीराबाई आई रे,
पीलो म्हारा सांवरा भगता री दवाई रे,
दास उदास ऊबी आंसू डलकावे रे,
आजा रे मनमोहन मीरा मेड़तणी बुलावे रे ॥

हो मीरा री आवाज सुण श्याम धनी आयो रे,
दूध रो कटोरो भरियो सारो ही गट कायो रे,
हां जन्म-जन्म रो साथी कृष्ण केलावे रे,

आजा रे मनमोहन मीरा मेड़तणी बुलावे रे ॥

हो अमर सुहागण भागण राठौड़ा री जाई रे,
पिवरीयो सासरीयो दोनू तागो मीराबाई रे,
हो मीरा बाई री ओलुडी ने माधु सिंह गावे रे,
आजा रे मनमोहन मीरा मेड़तणी बुलावे रे ॥

बाबोसा मायड़ माने लाड लडाई रे,
राम जाणे राणा तने क्यूं परणाई रे,
थासू प्रीत राणा दाय कोनी आवे रे,
आजा रे मनमोहन मीरा मेड़तणी बुलावे रे ॥

स्वर रामनिवास जी राव ।

प्रेषक सुभाष सारस्वत काकड़ा ।

मोबाइल 9024909170

Source: <https://www.bharattemples.com/babosa-mayad-mhane-laad-ladayi-re/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>